



Deddf Diddymu'r Hawl i Brynu a Hawliau Cysylltiedig (Cymru) 2018

2018 dccc 1

1 Trosolwg **E+W**

- (1) Mae'r adran hon yn rhoi trosolwg o brif ddarpariaethau'r Ddeddf hon.
- (2) Mae adran 2 yn cyfyngu ar arfer yr hawl i brynu hyd nes i'r hawl honno gael ei diddymu (gweler adran 6); ac mae adran 3 yn gwneud darpariaeth ar gyfer eithriadau i'r cyfyngiad hwnnw.
- (3) Mae adran 4 yn cyfyngu ar arfer yr hawl i gaffael hyd nes i'r hawl honno gael ei diddymu (gweler adran 6); ac mae adran 5 yn gwneud darpariaeth ar gyfer eithriad i'r cyfyngiad hwnnw.
- (4) Mae adran 6 yn gwneud darpariaeth i'r hawl i brynu a'r hawl i gaffael beidio â bodoli yng Nghymru.
- (5) Mae adran 7 yn dileu pŵer Gweinidogion Cymru i roi grantiau i landlordiaid cymdeithasol cofrestredig a darparwyr preifat cofrestredig tai cymdeithasol mewn cysylltiad â disgowntiau a roddir i denantiaid sy'n prynu eu hanheddau.
- (6) Mae adran 8—
 - (a) yn ei gwneud yn ofynnol i Weinidogion Cymru ddarparu gwybodaeth i landlordiaid a phersonau eraill sydd â buddiant ynglŷn â newidiadau i'r gyfraith a wneir gan y Ddeddf hon, a
 - (b) yn ei gwneud yn ofynnol i landlordiaid roi gwybod i'w tenantiaid am y newidiadau hynny.
- (7) Mae adrannau 9, 10, 11 a 12 yn cynnwys darpariaethau cyffredinol ynglŷn â'r Ddeddf; effaith adran 11 yw—
 - (a) bod adran 8 (darparu gwybodaeth) yn dod i rym pan geir y Cydsyniad Brenhinol,
 - (b) bod adrannau 2 i 5 (cyfyngu ar arfer yr hawliau) yn dod i rym ddau fis ar ôl cael y Cydsyniad Brenhinol, ac

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Diddymu'r Hawl i Brynu a Hawliau Cysylltiedig (Cymru) 2018. (See end of Document for details)

- (c) y caniateir dod ag adrannau 6 a 7 (diddymu'r hawliau etc.) i rym drwy orchymyn a wneir drwy offeryn statudol heb fod yn gynharach na deuddeg mis ar ôl cael y Cydsyniad Brenhinol.

Gwybodaeth Cychwyn

II A. 1 mewn grym ar y Cydsyniad Brenhinol, gweler **a. 11(1)**

Cyfyngiad ar arfer yr hawl i brynu a'r hawl i gaffael

F12 Cyfyngiad ar arfer yr hawl i brynu **E+W**

.....

Diwygiadau Testunol

F1 A. 2 wedi ei diddymu (26.1.2019) gan [Deddf Diddymu'r Hawl i Brynu a Hawliau Cysylltiedig \(Cymru\) 2018 \(anaw 1\)](#), **aa. 6(2)(a)**, 11(3)(4); O.S. 2018/100, [ergl. 2\(a\)](#) (ynghyd ag [ergl. 3](#)) (ynghyd â savings in [O.S. 2019/110](#), [rhl. 5](#))

F23 Eithriadau i'r cyfyngiad ar arfer yr hawl i brynu **E+W**

.....

Diwygiadau Testunol

F2 A. 3 wedi ei diddymu (26.1.2019) gan [Deddf Diddymu'r Hawl i Brynu a Hawliau Cysylltiedig \(Cymru\) 2018 \(anaw 1\)](#), **aa. 6(2)(a)**, 11(3)(4); O.S. 2018/100, [ergl. 2\(a\)](#) (ynghyd ag [ergl. 3](#)) (ynghyd â savings in [O.S. 2019/110](#), [rhl. 5](#))

F34 Cyfyngiad ar arfer yr hawl i gaffael **E+W**

.....

Diwygiadau Testunol

F3 A. 4 wedi ei diddymu (26.1.2019) gan [Deddf Diddymu'r Hawl i Brynu a Hawliau Cysylltiedig \(Cymru\) 2018 \(anaw 1\)](#), **aa. 6(2)(b)**, 11(3)(4); O.S. 2018/100, [ergl. 2\(a\)](#) (ynghyd ag [ergl. 3](#)) (ynghyd â savings in [O.S. 2019/110](#), [rhl. 5](#))

F45 Eithriad i'r cyfyngiad ar arfer yr hawl i gaffael **E+W**

.....

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Diddymu'r Hawl i Brynu a Hawliau Cysylltiedig (Cymru) 2018. (See end of Document for details)

Diwygiadau Testunol

- F4** A. 5 wedi ei diddymu (26.1.2019) gan Deddf Diddymu'r Hawl i Brynu a Hawliau Cysylltiedig (Cymru) 2018 (anaw 1), **aa. 6(2)(b)**, 11(3)(4); O.S. 2018/100, **ergl. 2(a)** (ynghyd ag **ergl. 3**) (ynghyd â savings in O.S. 2019/110, **rh. 5**)

Diddymu'r hawl i brynu a'r hawl i gaffael

6 Diddymu'r hawl i brynu a'r hawl i gaffael **E+W**

- (1) Nid yw'r hawliau a ganlyn yn bodoli mwyach mewn perthynas ag anheddau yng Nghymru—
- (a) yr hawl i gaffael rhydd-ddaliad tŷ annedd, na'r hawl i gael les ar dŷ annedd, yn unol â Rhan 5 o **Ddeddf Tai 1985 (Housing Act 1985 (c. 68))** (yr hawl i brynu);
 - (b) yr hawl i gaffael annedd yn unol ag adran 16 o **Ddeddf Tai 1996 (Housing Act 1996 (c. 52))** (yr hawl i gaffael).
- (2) Yn unol â hynny, diddymir y deddfiadau a ganlyn—
- (a) adrannau 2 a 3 o'r Ddeddf hon (cyfyngiad ar arfer yr hawl i brynu etc.), ac adrannau 121ZA, 121ZB a 171B(7) o Ddeddf Tai 1985 (a fewnosodir gan adrannau 2 a 3 o'r Ddeddf hon);
 - (b) adrannau 4 a 5 o'r Ddeddf hon (cyfyngiad ar arfer yr hawl i gaffael etc.), ac adrannau 16B, 16C ac 21(2A) o Ddeddf Tai 1996 (a fewnosodir gan adrannau 4 a 5 o'r Ddeddf hon);
 - (c) adran 8 o'r Ddeddf hon.
- (3) Mae Atodlen 1 (sy'n gwneud diwygiadau a diddymiadau canlyniadol) yn cael effaith.

Gwybodaeth Cychwyn

- I2** A. 6 ddim mewn grym ar y Cydsyniad Brenhinol, gweler **a. 11(3)**
I3 A. 6 mewn grym ar 26.1.2019 gan O.S. 2018/100, **ergl. 2(a)** (ynghyd ag **ergl. 3**)

Grantiau disgownt

7 Dileu'r pŵer i roi grantiau mewn cysylltiad â disgowntiau **E+W**

- (1) Mae **Deddf Tai 1996 (Housing Act 1996 (c. 52))** wedi ei diwygio fel a ganlyn.
- (2) Mae adran 21 (grant prynu gan Weinidogion Cymru mewn cysylltiad â gwaredu anheddau am bris gostyngol ac eithrio yn unol â'r hawl i gaffael) wedi ei diddymu.

Gwybodaeth Cychwyn

- I4** A. 7 ddim mewn grym ar y Cydsyniad Brenhinol, gweler **a. 11(3)**
I5 A. 7 mewn grym ar 26.1.2019 gan O.S. 2018/100, **ergl. 2(a)** (ynghyd ag **ergl. 4**)

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Diddymu'r Hawl i Brynu a Hawliau Cysylltiedig (Cymru) 2018. (See end of Document for details)

Dyletswydd i ddarparu gwybodaeth i denantiaid a darpar denantiaid

F58 Gwybodaeth i denantiaid a darpar denantiaid **E+W**

.....

Diwygiadau Testunol

- F5** A. 8 wedi ei diddymu (26.1.2019) gan Deddf Diddymu'r Hawl i Brynu a Hawliau Cysylltiedig (Cymru) 2018 (anaw 1), **aa. 6(2)(c)**, 11(3)(4); O.S. 2018/100, ergl. 2(a) (ynghyd ag ergl. 3) (ynghyd â savings in O.S. 2019/110, rh. 5)

Cyffredinol

9 Pŵer drwy reoliadau i wneud diwygiadau canlyniadol etc. **E+W**

Caiff Gweinidogion Cymru, drwy reoliadau, wneud unrhyw ddarpariaeth atodol, gysylltiedig, ganlyniadol, ddarfodol neu drosiannol neu unrhyw ddarpariaeth arbed y maent yn ystyried ei bod yn angenrheidiol neu'n hwylus o ganlyniad i, neu at ddiben rhoi effaith lawn i, unrhyw ddarpariaeth o'r Ddeddf hon neu unrhyw ddarpariaeth a wneir oddi tani (pa un ai o ganlyniad i unrhyw ddarpariaeth a wneir yn [Neddf Rhentu Cartrefi \(Cymru\) 2016 \(dccc 1\)](#) neu oddi tani, neu fel arall).

Gwybodaeth Cychwyn

- I6** A. 9 mewn grym ar y Cydsyniad Brenhinol, gweler **a. 11(1)**

10 Darpariaeth bellach ynghylch rheoliadau o dan adran 9 **E+W**

- (1) Mae'r pŵer yn adran 9 i wneud rheoliadau yn arferadwy drwy offeryn statudol.
- (2) Caiff rheoliadau o dan adran 9 ddiwygio, diddymu, dirymu neu addasu unrhyw ddeddfiad (gan gynnwys darpariaeth o'r Ddeddf hon).
- (3) Os yw'r is-adran hon yn gymwys, ni chaniateir i reoliadau o dan adran 9 gael eu gwneud oni bai bod drafft o'r offeryn statudol sy'n cynnwys y rheoliadau wedi ei osod gerbron Cynulliad Cenedlaethol Cymru a'i gymeradwyo drwy benderfyniad ganddo.
- (4) Mae is-adran (3) yn gymwys pan fo rheoliadau o dan adran 9 yn diwygio, yn addasu neu'n diddymu unrhyw ddarpariaeth mewn Deddf Seneddol neu Fesur neu Ddeddf Cynulliad Cenedlaethol Cymru, pa un a yw'r offeryn statudol yn cynnwys unrhyw reoliadau eraill ai peidio.
- (5) Pan na fo is-adran (3) yn gymwys, mae rheoliadau o dan adran 9 yn ddarostyngedig i'w diddymu yn unol â phenderfyniad gan Gynulliad Cenedlaethol Cymru.

Gwybodaeth Cychwyn

- I7** A. 10 mewn grym ar y Cydsyniad Brenhinol, gweler **a. 11(1)**

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Diddymu'r Hawl i Brynu a Hawliau Cysylltiedig (Cymru) 2018. (See end of Document for details)

11 Dod i rym **E+W**

- (1) Daw'r adran hon ac adrannau 1, 8, 9, 10 a 12 i rym ar y diwrnod y caiff y Ddeddf hon y Cydsyniad Brenhinol.
- (2) Daw adrannau 2 i 5 i rym ar ddiwedd y cyfnod o 2 fis sy'n dechrau â'r diwrnod y caiff y Ddeddf hon y Cydsyniad Brenhinol.
- (3) Daw adrannau 6 a 7 i rym ar ddiwrnod a bennir gan Weinidogion Cymru mewn gorchymyn a wneir drwy offeryn statudol.
- (4) Ond ni chaiff Gweinidogion Cymru bennu diwrnod i unrhyw un neu ragor o adrannau 6 neu 7 ddod i rym sydd cyn diwedd y cyfnod o 12 mis sy'n dechrau â'r diwrnod y caiff y Ddeddf hon y Cydsyniad Brenhinol.
- (5) Caiff gorchymyn o dan yr adran hon wneud darpariaeth ddarvoudol neu drosiannol neu ddarpariaeth arbed mewn cysylltiad â dod ag unrhyw ddarpariaeth o'r Ddeddf hon i rym.

Gwybodaeth Cychwyn

18 A. 11 mewn grym ar y Cydsyniad Brenhinol, gweler **a. 11(1)**

12 Enw byr **E+W**

Enw byr y Ddeddf hon yw Deddf Diddymu'r Hawl i Brynu a Hawliau Cysylltiedig (Cymru) 2018.

Gwybodaeth Cychwyn

19 A. 12 mewn grym ar y Cydsyniad Brenhinol, gweler **a. 11(1)**

Newidiadau i ddeddfwriaeth:

Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Diddymu'r Hawl i Brynu a Hawliau Cysylltiedig (Cymru) 2018.